



PROGRAM RADA

**AGENCIJE ZA PREVENCIJU KORUPCIJE I
KOORDINACIJU BORBE PROTIV KORUPCIJE
ZA 2024. GODINU**

Istočno Sarajevo, novembar 2023. godine

Sadržaj

1) UVOD.....	3
2) PLANIRANE AKTIVNOSTI AGENCIJE U 2024. GODINI PO ORGANIZACIONIM JEDINICAMA.....	4
a) Sektor za prevenciju korupcije.....	4
b) Sektor za koordinaciju borbe protiv korupcije.....	6
c) Sektor za pravne, kadrovske, opće i finansijsko-materijalne poslove.....	7
d) Odjeljenje za sukob interesa / Ured Komisije za odlučivanje o sukobu interesa.....	8
e) Odjeljenje za podršku	9
3) PROGRAMSKI CILJEVI ZA 2024. GODINU.....	10
4) TABELARNI PREGLED PROGRAMSKIH CILJEVA ZA 2024. GODINU.....	11

1) UVOD

Agencija za prevenciju korupcije i koordinaciju borbe protiv korupcije (u daljem tekstu: Agencija) osnovana je Zakonom o Agenciji za prevenciju korupcije i koordinaciju borbe protiv korupcije („Službeni glasnik BiH“ broj: 103/09 i 58/13) (u daljem tekstu: Zakon o Agenciji) kao nezavisna i samostalna upravna organizacija koja za svoj rad odgovara Parlamentarnoj skupštini Bosne i Hercegovine. Agencija je osnovana s ciljem prevencije uticaja korupcije na razvoj demokratije i poštivanja osnovnih ljudskih prava i sloboda, kao i sprječavanja uticaja na podrivanje ekonomskog i privrednog razvoja Bosne i Hercegovine, te u cilju koordinacije borbe protiv korupcije.

S obzirom da je Vijeće ministara Bosne i Hercegovine, na 11. sjednici održanoj 11.05.2023. godine razmatralo Prijedlog odluke o usvajanju Strategije za borbu protiv korupcije 2022.-2024. i Akcionog plana za provođenje Strategije za borbu protiv korupcije 2022. 2024., te s tim u vezi zaključilo da se zbog vremenskog odmak od predlaganja Prijedloga, a u vezi s predloženim razdobljem važenja predmetnog Prijedloga odluke, zadužilo Agenciju da pripremi i dostavi Vijeću ministara Bosne i Hercegovine na razmatranje i donošenje novi prijedlog odluke o usvajanju Strategije za borbu protiv korupcije 2024.-2028. i Akcionog plana za provođenje Strategije za borbu protiv korupcije 2024. 2028. Agencija će u prvom kvartalu 2024. godine staviti fokus svog djelovanja na izradu finalnog nacrtu Strategije za borbu protiv korupcije 2024.-2028. i pratećeg Akcionog plana za njenu provedbu, te sistemsku pripremu, koordinaciju i realizaciju aktivnosti neophodnih za izradu i dostavu na usvajanje pomenuta dva dokumenta Vijeću ministara BiH.

U 2024. godini Agencija će pored ispunjavanja zakonom propisanih nadležnosti, nastaviti pratiti efekte primjene zakona i podzakonskih akata iz oblasti prevencije korupcije, inicirati aktivnosti u vezi sa izmjenama i dopunama postojećih zakonskih rješenja, te davati mišljenja na nacрте zakona u skladu sa Jedinistvenim pravilima za izradu pravnih propisa u institucijama BiH i Zakonom o Agenciji za prevenciju korupcije i koordinaciju borbe protiv korupcije.

Pružanje pomoći prilikom izrade i provođenja planova integriteta u institucijama sa javnim ovlaštenjima jeste kontinuirana zadaća Agencije. S tim u vezi, Agencija će nastaviti sa pružanjem podrške na izradi planova integriteta u javnim institucijama na svim nivoima upravne strukture u Bosni i Hercegovini, javnim preduzećima kao i njihovoj provedbi te unapređenju mehanizama za praćenje provođenja mjera predviđenih kroz usvojene planove integriteta.

U 2024. godini Agencija će se, u domenu uključivanja cjelokupnog društva u borbi protiv korupcije, fokusirati na ostvarivanje saradnje sa domaćim naučnim i stručnim organizacijama, medijima i organizacijama civilnog društva antikorupcijskim tijelima po pitanju prevencije korupcije kroz zajedničke projekte, razmjenu međunarodnih iskustava, omogućavanje nevladinim organizacijama praćenje primjene planova integriteta na svim nivoima u BiH, te razvoj ujednačenih smjernica za planirane saradnje u cilju postizanja veće efikasnosti.

Kada je u pitanju međunarodna i regionalna saradnja u 2024. godini Agencija će nastaviti aktivno participirati u koordinaciji međunarodne i regionalne saradnje, kao i saradnje sa organizacijama civilnog društva koje djeluju u oblasti antikorupcije u BiH, a posebno kroz jačanje sinergije

vladinog i nevladinog sektora u provedbi Konvencije Ujedinjenih naroda protiv korupcije (UNCAC) u BiH, GRECO preporuka kao i ostalih međunarodnih standarda u ovoj oblasti.

Agencija će fokus svog djelovanja staviti i na nastavak standardizacije procesa strateškog planiranja antikorupcijskih politika u BiH. Pored navedenog, posebna pažnja biće posvećena pružanju stručne podrške procesu daljnjeg normativnog pozicioniranja i profesionalnog profiliranja tijela za sprječavanje korupcije na svim nivoima vlasti u BiH jačanju njihovih kapaciteta, i jačanju koordinacije politika prevencije korupcije s ciljem da se uspostavi mehanizam uzajamnog izvještavanja i monitoringa provedbe antikorupcijskih politika u BiH. Biće nastavljene i aktivnosti na uspostavi efikasnog sistema za postupanje po podnescima sa indicijama koruptivnog ponašanja kao i aktivnostima usmjerenim na efikasnu provedbu Zakona o zaštiti lica koja prijavljuju korupciju u institucijama BiH kao i stručna podrška razvoju efikasne zaštite prijavitelja korupcije na svim nivoima vlasti u BiH.

U svrhu obezbjeđivanja principa transparentnosti potrebno je obezbjediti proaktivnu transparentnost rada institucija, kao i trošenje budžetskih sredstava koji se dodjeljuju medijima i organizacijama civilnog društva.

Nastavit će i sa aktivnostima vezano za podizanje javne svijesti o štetnosti korupcije kao i unaprjeđivanja transparentnosti u svom radu, posebno kada je riječ o dostupnosti sadržaja na web stranici.

U cilju adekvatnog odgovora na sve poslove i zadatke koji pred njom stoje, Agencija će svoje djelovanje usmjeriti na jačanje svog položaja kao institucije BiH koja adekvatno, pravovremeno, profesionalno i zakonito ispunjava svoje nadležnosti uz uključenost i saradnju, kako domaćih i međunarodnih institucija, tako i organizacija civilnog društva, akademske zajednice i medija u BiH koje djeluju u oblasti antikorupcije.

2) PLANIRANE AKTIVNOSTI AGENCIJE U 2024. GODINI PO ORGANIZACIONIM JEDINICAMA

a) Sektor za prevenciju korupcije

Sektor za prevenciju korupcije će u prvom kvartalu 2024. godine staviti fokus svog djelovanja na izradu finalnog nacрта Strategije za borbu protiv korupcije 2024.-2028. i pratećeg Akcionog plana za njenu provedbu, te sistemsku pripremu, koordinaciju i realizaciju aktivnosti neophodnih za izradu i dostavu na usvajanje pomenuta dva dokumenta Vijeću ministara BiH.

Pored navedenog Sektor za prevenciju korupcije će tokom 2024. godine svoj rad usmjeriti na aktivnosti vezane za pružanje pomoći pri izradi planova integriteta u javnim institucijama na svim nivoima upravljanja u BiH, te u javnim preduzećima, njihovoj provedbi kao i unapređenju mehanizama za praćenje provođenja mjera iz usvojenih planova integriteta. Usvajanjem navedenih dokumenata gradi se i jača institucionalni integritet. Uposleni unutar institucije su neraskidiva karika u lancu jačanja institucije. Stoga je potrebno insistirati i na jačanju ličnog

integriteta uposlenih unutar institucija u BiH i to kroz održavanje periodičnih edukacija/radionica na temu jačanja lične etike i profesionalnog integriteta. S tim u vezi Agencija će organizovati edukacije/radionice na pomenute teme.

Kada je u pitanju ispunjenje međunarodnih preporuka, ali i unapređenje načela transpartenosti, otvorenosti i javnosti u radu bh. institucija, planirano je da se tokom 2024. godine radi na uspostavljanju i unapređenju saradnje sa antikorupcijskim institucijama zemalja regiona, bh. institucijama, ali i organizacijama civilnog društva na promovisanju važnosti razvijanja i unapređenja metodologije za prikupljanje imovinskih podataka državnih službenika kao jednog od efikasnijih antikorupcijskih sredstava, ali i elemenata koji utiču na jačanje etičnosti i integriteta državnih službenika u BiH.

Fokus Sektora za prevenciju korupcije će biti i na praćenju efekata primjene zakona i podzakonskih akata iz oblasti prevencije korupcije, te davanje mišljenja i instrukcija o pitanju njihove primjene, iniciranje aktivnosti u vezi sa izmjenama i dopunama postojećih zakonskih rješenja i njihovo usklađivanje, te davanje mišljenja na nacрте zakona u skladu sa Jedinistvenim pravilima za izradu pravnih propisa u institucijama BiH i Zakonom o Agenciji za prevenciju korupcije i koordinaciju borbe protiv korupcije. U 2024. godini, Sektor za prevenciju korupcije će u skladu sa mogućnostim vršiti procjenu rizika od korupcije u propisima na način da će se obuhvatiti zakonski i podzakonski propisi u najširem mogućem smislu što podrazumijeva nacрте zakona i podzakonskih akata ali i već usvojene zakone na svim nivoima vlasti u Bosni i Hercegovini.

U 2024. godini Sektor za prevenciju korupcije će u domenu uključivanja cjelokupnog društva u borbi protiv korupcije se fokusirati na ostvarivanje saradnje sa domaćim naučnim i stručnim organizacijama, medijima i organizacijama civilnog društva antikorupcijskim tijelima po pitanju prevencije korupcije kroz zajedničke projekte, razmjenu međunarodnih iskustava, omogućavanje nevladinim organizacijama praćenje primjene planova integriteta na svim nivoima u BiH, te razvoj ujednačenih smjernica za planirane saradnje u cilju postizanja veće efikasnosti. U narednom periodu potrebno je ojačati partnerstvo javnog i nevladinog sektora u provedbi projekata jačanja integriteta djece i omladine imajući na umu novonastalo hibridno okruženje u kojem se odvijaju procesi učenja i odgoja, te stručno usavršavanje direktnih sudionika obrazovnih procesa u Bosni i Hercegovini, prevashodno nastavnog kadra. Jednom godišnje je planirano provođenje javnog poziva za učešće učenika u izradi radova na temu borbe protiv korupcije koje se provodi u saradnji Agencije i ministarstava obrazovanja u Bosni i Hercegovini. U ostvarivanju navedene aktivnosti, Sektor će uspostaviti saradnju sa medijima, nevladinim organizacijama, tijelima za sprječavanje korupcije, i institucijama sa javnim ovlaštenjima u BiH.

Takoder, Sektor za prevenciju korupcije će se baviti prikupljanjem i analizom statističkih podataka iz oblasti prevencije korupcije, praćenjem provedbe preporuka međunarodnih organizacija i institucija za borbu protiv korupcije kao i aktivnostima vezanim za podizanje javne svijesti o štetnosti korupcije.

U vezi sa prethodno navedenim, Sektor za prevenciju korupcije će svoj rad usmjeriti na sljedeće programske aktivnosti:

- Izrada finalnih dokumenata: nacрта Strategije za borbu protiv korupcije 2024.-2028 i pratećeg Akcionog plana

- Dostava nacrta Strategije za borbu protiv korupcije 2024.-2028 i pratećeg Akcionog plana Vijeću ministara BiH na usvajanje
- Unapređenje i jačanje saradnje sa nevladinim sektorom, medijima i akademskom zajednicom;
- Razmjena iskustava i prakse sa nevladinim sektorom, udruženjima novinara, medijima i akademskom zajednicom;
- Omogućiti nevladinom sektoru praćenje primjene planova integriteta na svim nivoima upravne strukture u BiH;
- Provoditi antikorupcijske projekte sa tijelima za sprečavanje korupcije u BiH i institucija sa antikorupcijskim nadležnostima u saradnji sa akademskom zajednicom i nevladinim sektorom;
- Kontinuirano pružanje pomoći institucijama prilikom izrade i provođenja planova integriteta;
- Nadzor nad provođenjem mjera iz usvojenih planova integriteta unutar institucija u BiH;
- Na osnovu dostavljenih izvještaja sačiniti i objavljivati zbirni izvještaj sa listom rizika korupcije o stanju integriteta u institucijama;
- Unapređenje kulture integriteta i etičnosti u institucijama u BiH održavanjem periodičnih edukacija;
- Razvijanje i promovisanje metodologije za prikupljanje podataka o imovinskim podacima državnih službenika te unapređenje i jačanje saradnje u navedenoj oblasti sa relevantnim domaćim institucijama (Agencija za državnu službu, Agencija za zaštitu ličnih podataka, VSTV, Sud BiH, Tužilaštvo BiH) te međunarodnim organizacijama i zemljama regiona;
- Stručno usavršavanje nastavnog kadra u oblasti antikorupcije, jačanja etike i integriteta kroz održavanje edukacija i sastanaka;
- Provođenje javnog poziva za učešće učenika na takmičenju za najbolje likovne i literarne radove, objavljivanje najboljih radova na promotivnim materijalima Agencije;
- Jačanje antikorupcijskih mehanizama kroz davanje mišljenja na propise u skladu sa Zakonom o Agenciji i definisanom metodologijom i Jedinstvenim pravilima za izradu pravnih propisa, iniciranje i izmjena antikorupcijskih zakona te prikupljanje, analiza i objavljivanje statističkih podataka iz navedene oblasti;
- Praćenje i provođenje preporuka međunarodnih organizacija i institucija za borbu protiv korupcije;
- Prikupljanje informacija, analitička obrada te redovno izvještavanje međunarodnih organizacija i institucija o napretku iz oblasti borbe protiv korupcije.

b) Sektor za koordinaciju borbe protiv korupcije

Sektor za koordinaciju borbe protiv korupcije će i u 2024. godini fokus svog djelovanja staviti na nastavak standardizacije procesa strateškog planiranja antikorupcijskih politika u BiH s posebnim osvrtom na djelovanje u sektorskom okruženju uz naglasak na uspostavi efikasnih mehanizama koordinacije borbe protiv korupcije i na lokalnom nivou.

Pored navedenog, posebna pažnja biće posvećena pružanju stručne podrške i pomoći procesu daljnjeg normativnog pozicioniranja i profesionalnog profiliranja tijela za sprječavanje korupcije na svim nivoima vlasti u BiH, jačanju njihovih kapaciteta, i jačanju koordinacije

politika prevencije korupcije s ciljem da se uspostavi mehanizam uzajamnog izvještavanja i monitoringa provedbe antikorupcijskih politika u BiH.

Biti će nastavljene i aktivnosti na uspostavi efikasnog sistema za postupanje po podnescima sa indicijama koruptivnog ponašanja te aktivnosti usmjerene na efikasnu provedbu Zakona o zaštiti lica koja prijavljuju korupciju u institucijama BiH kao i stručna podrška razvoju efikasne zaštite prijavitelja korupcije na svim nivoima vlasti u BiH. Sektor će aktivno participirati u koordinaciji međunarodne i regionalne saradnje Agencije, kao i saradnje sa organizacijama civilnog društva koje djeluju u oblasti antikorupcije u BiH, a posebno kroz jačanje sinergije vladinog i nevladinog sektora u provedbi Konvencije Ujedinjenih naroda protiv korupcije (UNCAC) u BiH, GRECO preporuka kao i ostalih međunarodnih standarda u ovoj oblasti.

S tim u vezi, Sektor za koordinaciju borbe protiv korupcije biti će fokusiran na provedbu sljedećih programskih ciljeva:

- Jačanje mehanizama koordinacije borbe protiv korupcije (uspostava efikasnog sistema izvještavanja i razmjene informacija, ustupanje i razmjena alata i najboljih praksi u oblasti sprječavanja korupcije i to između Agencije, tijela za sprječavanje korupcije u BiH i nadležnih institucija sa javnim ovlaštenjima na svim nivoima vlasti u BiH), te razvoj i provedba antikorupcijskih politika u BiH;
- Jačanje koordinacije politika prevencije korupcije sa tijelima za sprečavanje korupcije kroz održavanje redovnih kvartalnih sastanaka Agencije i tijela za sprečavanje korupcije;
- Provedba mehanizama za efikasno postupanje u vezi sa prijavama korupcije i zaštitom prijavitelja;
- Ispunjavanje preporuka iz domena međunarodnih obaveza BiH iz oblasti borbe protiv korupcije;
- Saradnja sa organizacijama civilnog društva u cilju provedbi zajedničkih aktivnosti vezanih za prevenciju korupcije.

c) Sektor za pravne, kadrovske, opće i finansijsko-materijalne poslove

U 2024. godini, kroz efikasnije planiranje kratkoročnih ciljeva zaposlenih u Agenciji, želi se postići veća efikasnost, pravovremenost i kvalitet u poslovanju Agencije, kao i efikasnija kontrola i mogućnost poboljšanja i otklanjanja uočenih nedostataka na osnovu analize izvršenja postavljenih ciljeva.

Akcentat će biti na stvaranju odgovarajućih preduslova i pretpostavki za što efikasniji rad svih organizacionih jedinica u Agenciji u cilju provođenja zakonskih nadležnosti.

Sektor za pravne, kadrovske, opšte i finansijsko-materijalne poslove preduzimaće aktivnosti na što svrsishodnijem korišćenju svih mogućnosti koje pruža uspostavljeni ISFU sistem, prije svega na jačanju interne kontrole trošenja budžetskih sredstava.

Takođe, preduzimaće se sljedeće aktivnosti:

- iznalaženje trajnog rješenja za odgovarajući i svrsishodan poslovni prostor, u skladu sa postojećim potrebama, a naročito sa brojem izvršilaca planiranim u prijedlogu nove sistematizacije radnih mjesta, jer je to preduslov za zapošljavanje i smještaj novih izvršilaca,
- planiranje, realizacija i usavršavanje procesa javnih nabavki prema važećem Planu nabavki, u skladu sa Zakonom o javnim nabavkama,
- realizacija ugovora o skladištenju arhivske građe, u cilju optimalnog smještaja i čuvanja osnovnih sredstava van upotrebe, održavanja i zadržavanja postojeće opreme i potrošnog materijala u upotrebi, kao i vršenje redovnog godišnjeg popisa imovine i obaveza Agencije na dan 31.12.2024. godine,
- pravovremena i kvalitetna izrada Dokumenta okvirnog budžeta (DOB) i Srednjoročnog plana rada Agencije za period 2025-2027,
- definisanje zahtjeva za budžet 2025. godine, u skladu sa realnim potrebama Agencije,
- izrada i analiza tromjesečnih, polugodišnjeg i godišnjeg izvještaja o izvršenju budžeta Agencije,
- vođenje knjigovodstvene evidencije i blagajničkog poslovanja, obračun plata i naknada zaposlenih u Agenciji,
- jačanje sistema finansijskog upravljanja i kontrole (FUK), ažuriranje podataka u PIFC aplikaciji, na način da svi zaposleni daju svoj doprinos u tom procesu,
- izrada plana edukacija svih zaposlenih, u skladu sa prethodno iskazanim pojedinačnim potrebama i usklađenim sa planom obuka Agencije za državnu službu BiH za 2025. godinu.

Redovno će se vršiti praćenje i procjena učinka, kao i izvještavanje o realizaciji planiranih projekata i aktivnosti. Uz pomoć i saradnju Kancelarije za reviziju institucija BiH i Jedinicom za internu reviziju Parlamentarne skupštine BiH planira se rješavanje i prevazilaženje svih uočenih slabosti i grešaka u poslovanju Agencije.

d) Odjeljenje za sukob interesa / Ured Komisije za odlučivanje o sukobu interesa

Ured Komisije za odlučivanje o sukobu interesa, čija je zakonom definirana uloga da obavlja stručne, administrativne i tehničke poslove iz nadležnosti Komisije će, u 2024. godini, obavljati poslove iz nadležnosti Komisije, a koje su usmjerene na provođenje Zakona o sukobu interesa u institucijama vlasti BiH, u skladu sa Planom provjera koji Komisija usvaja na početku svake godine.

e) Odjeljenje za podršku

Odjeljenje za podršku će tokom 2024. godine, u okviru svojih nadležnosti, pored stručne i profesionalne podrške rukovodstvu Agencije, pružiti podršku i ostalim organizacionim jedinicama Agencije u vezi sa obavljanjem poslova eksterne komunikacije i prezentacije u javnosti. Odjeljenje će, također, redovno ažurirati i, u skladu sa finansijskim mogućnostima institucije, unaprijediti postojeću ili izraditi novu web stranicu, te, u saradnji sa ostalim sektorima/odjeljenjima, izraditi plan objave informacija koje se odnose na rad Agencije.

Također, Odjeljenje za podršku planira, u skladu sa finansijskim mogućnostima institucije, predložiti i izradu kvartalnog/polugodišnjeg biltena ili promo materijala o radu Agencije, te pružiti redovnu promotivnu podršku organiziranju godišnje konferencije posvećene 9. decembru – Međunarodnom danu borbe protiv korupcije.

Odjeljenje za podršku će obavljati poslove unapređenja informacionog i komunikacionog sistema Agencije kao i održavanje istog, postupanja u skladu sa Zakonom o slobodi pristupa informacijama u BiH, ažurirati i održavati web stranicu Agencije, pripremanja i objedinjavanja izvještaja o radu, programa rada, kao i organizovanje sjednica Stručnog kolegija.

Pored navedenog Odjeljenje za podršku će raditi na provođenju sljedećih aktivnosti:

- unaprijediti transparentnosti u radu Agencije,
- unaprijediti proaktivnost u radu Agencije (javna dostupnost informacija, uz korištenje svih raspoloživih kanala i formata, kako bi brže stigle do ciljne javnosti),
- otvoriti nove komunikacijske kanale uz podršku menadžmenta Agencije, a u skladu sa preporukama proizašlim iz projekta pod nazivom „Izrada i provedba istraživanja zadovoljstva korisnika uslugama Agencije“ koji je proveden u saradnji sa PARCO i nevladinom organizacijom INFOHOUSE
- unaprijediti komunikaciju sa ciljnom javnosti, institucijama i organizacijama, ali i internu komunikaciju u Agenciji,
- unaprijediti internu komunikaciju i afirmaciju rada web redakcije,
- postupati po Zakonu o slobodi pristupa informacijama u BiH, te blagovremeno informisati javnosti putem web stranice Agencije o zahtjevima za pristup informacijama i odgovorima na zahtjeve.

Uzevši u obzir da je novi Zakon o slobodi pristupa informacijama stupio je na snagu 13.09.2023. godine Odjeljenje za podršku će voditi evidencije o broju primljenih zahtjeva, vrsti traženih informacija, broju donesenih rješenja, broju konačnih rješenja, broju zahtjeva po kojima nisu donesena rješenja i načinu postupanja organa javne vlasti.

U vezi s tim Odjeljenje za podršku kao nadležna organizaciona jedinica svaka tri mjeseca dostavljaće rukovodiocu institucije BiH, Žalbenom vijeću i Instituciji ombudsmena za ljudska prava Bosne i Hercegovine izvještaj o obradi ovih zahtjeva. Sastavni dio izvještaja činit će analiza i ocjena ostvarivanja prava na pristup informacijama i ponovnu upotrebu informacija u instituciji BiH, podaci i analiza o predmetima po žalbama, inspekcijском nadzoru i počinjenim

prekršajima zbog povrede prava na pristup informacijama i ponovne upotrebe dokumenata, s prijedlozima mjera za otklanjanje nedostataka i nepravilnosti.

3) PROGRAMSKI CILJEVI ZA 2024. GODINU

U obavljanju zadataka iz svoje nadležnosti Agencija planira ostvariti sljedeće ciljeve u 2024. godini:

- a) Izrada nacrtu Strategije za borbu protiv korupcije 2024.-2028. i pratećeg Akcionog plana
- b) Unapređenje saradnje antikorupcijskih tijela i institucija sa organizacijama civilnog društva, medijima i akademskom zajednicom;
- c) Vršenje nadzora nad provođenjem mjera iz usvojenih planova integriteta te sačinjavanje zbirnih izvještaja o stanju integriteta u institucijama u BiH;
- d) Ispunjavanje međunarodnih preporuka iz oblasti prikupljanja podataka o imovinskim podacima državnih službenika;
- e) Jačanje etike i integriteta djece i omladine te promocija dobrih praksi;
- f) Unapređenje zakonodavnog okvira za borbu protiv korupcije u BiH;
- g) Ispunjavanje preporuka iz domena međunarodnih obaveza BiH iz oblasti borbe protiv korupcije.
- h) Jačanje mehanizama koordinacije borbe protiv korupcije (uspostava efikasnog sistema izvještavanja i razmjene informacija, ustupanje i razmjena alata i najboljih praksi u oblasti sprječavanja korupcije između Agencije, tijela za sprječavanje korupcije u BiH i nadležnih institucija sa javnim ovlaštenjima na svim nivoima vlasti u BiH), te razvoj i provedba antikorupcijskih politika u BiH;
- i) Jačanje koordinacije politika prevencije korupcije sa tijelima za sprečavanje korupcije kroz održavanje redovnih kvartalnih sastanaka Agencije i tijela za sprečavanje korupcije;
- j) Provedba mehanizama za efikasno postupanje u vezi sa prijavama korupcije i zaštitom prijavitelja;
- k) Saradnja sa organizacijama civilnog društva u cilju provedbi zajedničkih aktivnosti vezanih za prevenciju korupcije;
- l) Jačanje sistema strateškog upravljanja i administracije;
- m) Provođenje aktivnosti vezano za budžet Agencije;
- n) Unapređenje transparentnosti web stranice Agencije
- o) Unapređenje i održavanje informacionog i komunikacionog sistema Agencije
- p) Postupanje po zahtjevima u skladu sa Zakonom o slobodi pristupa informacijama

U tabelarnom pregledu koji slijedi, prikazane su konkretne aktivnosti za realizaciju svakog pojedinačnog cilja.

4) TABELARNI PREGLED PROGRAMSKIH CILJEVA ZA 2024. GODINU

PROGRAMSKI CILJ	AKTIVNOSTI	ROK	INDIKATOR REALIZACIJE
Izrada Strategije za borbu protiv korupcije 2024.-2028. i pratećeg Akcionog plana	<i>Izrada finalnih dokumenata: nacрта Strategije za borbu protiv korupcije 2024.-2028 i pratećeg Akcionog plana</i>	Februar 2024	Nacrt Strategije za borbu protiv korupcije 2024.-2028. i Akcioni plan izrađeni
	<i>Dostavljanje nacрта Strategije za borbu protiv korupcije 2024.-2028 i pratećeg Akcionog plana Vijeću ministara BiH na usvajanje</i>	Mart 2024	Nacrt Strategije za borbu protiv korupcije 2024.-2028 i prateći Akcioni plan dostavljen Vijeću ministara BiH
Unapređenje saradnje antikorupcijskih tijela i institucija sa organizacijama civilnog društva, medijima i akademskom zajednicom	<i>Unaprijediti i jačati saradnju sa OCD, udruženjima novinara i medijima i akademskom zajednicom u cilju borbe protiv korupcije</i>	Kontinuirano 2024. godine	Broj potpisanih memoranduma Broj zajedničkih aktivnosti/projekata
	<i>Razmjenjivati međunarodna iskustva i prakse sa OCD, udruženjima novinara, medijima i akademskom zajednicom u cilju unapređenja borbe protiv korupcije</i>	Kontinuirano 2024. godine	Broj održanih tematskih događaja Broj izvještaja/preporuka, zaključaka sa održanih događaja
	<i>Omogućiti OCD praćenje primjene planova integriteta na svim nivoima u BiH</i>	Kontinuirano 2024. godine	Broj dostavljenih informacija o primjeni planova integriteta i planova borbe protiv korupcije po zahtjevu OCD
	<i>Provoditi antikorupcijske projekte sa tijelima za sprječavanje korupcije u BiH i institucija sa antikorupcijskim nadležnostima sa akademskom zajednicom, medijima i OCD</i>	Kontinuirano 2024. godine	Broj realiziranih projekata Broj informacija o rodnoj zastupljenosti prilikom provedbe projektnih zadataka
Vršenje nadzora nad provođenjem mjera iz usvojenih planova integriteta te sačinjavanje zbirnih izvještaja o stanju integriteta u institucijama u BiH	<i>Pružanje pomoći institucijama kod kreiranja planova integriteta</i>	Kontinuirano 2024. godine	Broj održanih edukacija Broj održanih radno-konsultativnih sastanaka Broj službenika koji prisustvovali sastancima/edukacijama
	<i>Vršiti nadzor nad provođenjem mjera iz usvojenih planova integriteta</i>	Kontinuirano 2024. godine	Broj dostavljenih izvještaja o provođenju mjera iz usvojenih planova integriteta
	<i>Sačinjavanje i objava zbirnog izvještaja o stanju integriteta u bh. institucijama</i>	Zadnji kvartal 2024. godine	Sačinjen i objavljen zbirni izvještaj o stanju integriteta u bh. institucijama

	<i>Unapređenje kulture integriteta i etičnosti u institucijama sa javnim ovlaštenjima u BiH kroz održavanje periodičnih edukacija</i>	Kontinuirano 2024. godine	Broj prisutnih na održanim edukacijama
Ispunjavanje međunarodnih preporuka iz oblasti prikupljanja podataka o imovinskim podacima državnih službenika	<i>Razvijanje i promovisanje metodologije za prikupljanje podataka o imovinskim podacima državnih službenika</i>	Zadnji kvartal 2024. godine	U skladu sa OECD smjernicama, metodologija definisana te objavljena na službenoj web stranici APIK-a
	<i>Unapređenje saradnje sa Agencijom za državnu službu, Agencijom za zaštitu ličnih podataka, VSTV BiH, Tužilaštvom i Sudom BiH te OCD</i>	Kontinuirano 2024. godine	Broj održanih tematskih sastanaka sa ciljem unapređenja saradnje i razmjene iskustava između zainteresovanih aktera (bh. institucija)
	<i>Jačanje saradnje sa međunarodnim organizacijama i zemljama regiona sa ciljem razmjene iskustava</i>	Kontinuirano 2024. godine	Broj održanih tematskih sastanaka sa međunarodnim organizacijama i zemljama regiona sa ciljem razmjene iskustava i dobrih praksi
Jačanje etike i integriteta djece i omladine i promocija dobrih praksi	<i>Stručno usavršavanje nastavnog kadra u oblasti antikorupcije, etike i integriteta kroz održavanje periodičnih edukacija/sastanaka</i>	Kontinuirano 2024. godine	Broj održanih edukacija/sastanaka nastavnog kadra osnovnog i srednjeg obrazovanja
	<i>Provođenje javnog poziva za učešće učenika za dostavljanje likovnih i literarnih radova iz oblasti antikorupcije</i>	Kontinuirano 2024. godine	Javni poziv proveden Broj dostavljenih učeničkih radova Broj nagrađenih učenika
	<i>Objavljivanje nagrađenih radova u kalendarima Agencije za 2024. godinu</i>	Zadnji kvartal 2024.godine	Broj štampanih kalendara Agencije za 2025. godinu Štampani kalendari poslati bh.institucijama, Ministarstvima obrazovanja, školama, OCD
Unaprjeđenje zakonodavnog okvira za borbu protiv korupcije u BiH	<i>Davanje mišljenja na propise u skladu sa procedurama predviđenim u Jedinstvenim pravilima za izradu pravnih propisa u institucijama BiH i Zakonom o Agenciji</i>	Kontinuirano 2024. godine	Broj datih mišljenja.
	<i>Iniciranje izmjena i dopuna antikorupcijskih zakona kao i inicijativa za usvajanje novih zakonskih rješenja sa ciljem unaprjeđenja borbe protiv korupcije</i>	Kontinuirano 2024. godine	Broj iniciranih izmjena i dopuna antikorupcijskih zakona Broj inicijativa za usvajanje novih zakonskih rješenja
	<i>Prikupljanje i analiza statističkih podataka iz oblasti prevencije korupcije, te objavljivanje rezultata istraživanja iz oblasti prevencije korupcije</i>	Kontinuirano 2024. godine	Broj izrađenih analiza
	<i>Saradnja sa međunarodnim naučnim, stručnim i nevladinim organizacijama</i>	Kontinuirano 2024. godine	Broj učešća na seminarima, konferencijama, okruglim stolovima, obukama


Ispunjavanje preporuka iz domena međunarodnih obaveza BiH iz oblasti borbe protiv korupcije	<i>Kontinuirano praćenje i provođenje preporuka Evropske komisije i međunarodnih organizacija i institucija za borbu protiv korupcije</i>	Kontinuirano 2024.	Broj datih i provedenih preporuka međunarodnih organizacija i institucija za borbu protiv korupcije Kontinuirano praćenje i ispunjavanje dijela obaveza vezano za 14 ključnih prioriteta iz Mišljenja Evropske komisije za BiH i Izvještaja o napretku BiH
	<i>Redovno praćenje primjene međunarodnih propisa i ugovora i povratno informisanje međunarodnih aktera o njihovoj provedbi (UNCAC/GRECO/OECD/NATO)</i>	Kontinuirano 2024.	Broj dostavljenih informacija prema međunarodnim akterima o provedbi međunarodnih propisa i ugovora o postignutim rezultatima u izvještajnom periodu. Povratno informisanje međunarodnih aktera o provedbi međunarodnih propisa i ugovora kao što je Upitnik OECD, NATO, SIGMA i GRECO, te izvještavanje Konferencije država članica Konvencije UN-a protiv korupcije o postignutim rezultatima u izvještajnom periodu.
	<i>Redovno informisanje nadležnih tijela i institucija u BiH o obavezama koje proizlaze iz međunarodnih pravnih instrumenata</i>	Kontinuirano 2024.	Broj pisanih izvještaja/informacija dostavljenih nadležnim institucijama Nadležna tijela i institucije u BiH su redovno informisana o obavezama koje proizlaze iz preporuka Izvršnog sažetka UNCAC-a u BiH, poglavlje II - Preventivne mjere. Pisani izvještaji o informacijama dostavljeni su nadležnim institucijama a iz djelokruga međunarodnih organizacija.
	<i>Koordinacija aktivnosti, saradnja i učestvovanje Agencije u projektima, aktivnostima i događajima u kontekstu ostvarivanja međunarodne i regionalne saradnje (EPAC/EACN/R2G4P-SELDI)</i>	Kontinuirano 2024.	Broj aktivnosti i učešća na zajedničkim sastancima /edukacijama sa predstavnicima EPAC/EACN mreže i R2G4P. Koordinirane aktivnosti saradnje i učešća Agencije sa EPAC/EACN mrežom, razmjene dobre prakse među članicama mreže. Učešće Agencije u istraživanjima i aktivnostima koje provodi EPAC/EACN mreža i Projekat Regionalne platforme za javno-privatno partnerstvo dobrog upravljanja (R2G4P).
	<i>Saradnja i razmjena informacija u okviru Globalne operativne mreže organa za provođenje zakona za borbu protiv korupcije (GlobE Network)</i>	Kontinuirano 2024.	Aktivnosti u okviru Globe mreže se provode prema potrebi i zahtjevima.
	<i>Prikupljanje informacija, analitička obrada i redovno izvještavanje međunarodnih organizacija i institucija o napretku u kontekstu evropskih integracija (Odbora za</i>	Zadnji kvartal 2024.	Broj prikupljenih i analitički obrađenih informacija te slanje međunarodnim organizacijama i institucijama Informacije prikupljene, analitički obrađene.

	<i>stabilizaciju i pridruživanje EU i BiH, Pododbora za pravdu, slobodu i sigurnost sa EU, izvještaji o napretku BiH, itd.) itd.)</i>		Izvještaji o napretku u kontekstu evropskih integracija redovno se dostavljaju međunarodnim organizacijama i institucijama.
Jačanje mehanizama koordinacije borbe protiv korupcije (uspostava efikasnog sistema izvještavanja i razmjene informacija, ustupanje i razmjena alata i najboljih praksi u oblasti sprječavanja korupcije između Agencije, tijela za sprječavanje korupcije u BiH i nadležnih institucija sa javnim ovlaštenjima na svim nivoima vlasti u BiH), te razvoj i provedba antikorupcijskih politika u BiH	<i>Jačanje koordinacije među tijelima za sprečavanje korupcije u BiH i stručna podrška u procesima njihovog normativnog pozicioniranja i razvoja kapaciteta</i>	Kontinuirano 2024.	Broj profesionaliziranih struktura tijela u BiH.
	<i>Iniciranje aktivnosti usmjerenih na uspostavu efikasnog sprečavanja korupcije na nivou lokalnih zajednica</i>	Kontinuirano 2024.	Sačinjen i iskomuniciran dokument vezano za Sektorski pristup u oblasti planiranja antikorupcijskih politika kao plan provedbe iniciranih aktivnosti.
	<i>Pravovremena priprema u vezi sa efikasnom koordinacijom i implementacijom specifičnih mjera i aktivnosti iz nadležnosti Sektora</i>	Kontinuirano 2024.	Sačinjen i iskomuniciran plan provedbe Smjernica za strateško planiranje antikorupcijskih politika u BiH.
Jačanje koordinacije politika prevencije korupcije sa tijelima za sprečavanje korupcije kroz održavanje redovnih kvartalnih sastanaka Agencije i tijela za sprečavanje korupcije	<i>Pravovremeno pristupanje organizaciji i koordinaciji koordinacijskih sastanaka u cilju jačanja mehanizma borbe protiv korupcije</i>	Kontinuirano 2024.	Održana tri redovna koordinacijska sastanka Agencije i tijela za sprečavanje korupcije.
Provedba mehanizama za efikasno postupanje u vezi sa prijavama korupcije i zaštitom prijavitelja	<i>Unos i obrada podataka u Baze i prateće aplikacije shodno pisanim provedbenim procedurama</i>	Kontinuirano 2024.	Registar uspostavljen. Podaci iz prijava se analitički obrađuju. Kreirani mjesečni analitičko statistički izvještaji iz ove oblasti.
	<i>Promovisati Zakon o zaštiti lica koja prijavljuju korupciju u institucijama BiH uz edukaciju o njegovoj primjeni, te unaprijeđenje mehanizama zaštite prijavitelja korupcije.</i>	Kontinuirano 2024.	Broj provednih edukacija i promotivnih kampanja
Saradnja sa organizacijama civilnog društva u cilju provedbi zajedničkih aktivnosti vezanih za prevenciju korupcije	<i>Osigurati stručnu podršku radu Savjetodavnog tima za reviziju i koordinaciju implementacije UN Konvencije za borbu protiv korupcije u Bosni i Hercegovini</i>	Kontinuirano 2024.	Savjetodavni tim uspostavljen, osigurana podrška u radu Tima kao i koordinacija zajedničkih aktivnosti javnog i nevladinog sektora u antikorupcijskim naporima. Osmišljene i provedene promotivne aktivnosti usmjerene na značaj provedbi odredbi UN Konvencije za borbu protiv korupcije u BiH.

	<i>Planirati i provoditi antikorupcijske projekte usmjerene na borbu protiv korupcije, s ciljem rješavanja identificiranih problema ili zagovaračkih inicijativa usmjerenih ka višim razinama vlasti, koje će tijela za sprječavanje korupcije i institucije sa antikorupcijskim nadležnostima zajednički provoditi sa OCD.</i>	Kontinuirano 2024.	Zajednički projekti osmišljeni i isti se provode, informacije o njima dostupne su javnosti
Jačanje sistema strateškog upravljanja i administracije	<i>Redovne upravljačke aktivnosti, strateško, operativno i finansijsko planiranje</i>	-po pozivu direktora (kolegij) -u skladu sa instrukcijama MFT BiH (planovi)	Broj održanih redovnih sjednica kolegija u odnosu na 2023. godinu, Postotak realizacije godišnjih finansijskih i operativnih planova
	<i>Izrada mjesečnih izvještaja o radu zaposlenih</i>	-do 5. u mjesecu za prethodni mjesec	Broj realizovanih u odnosu na broj planiranih mjesečnih izvještaja.
	<i>Suradnja sa Kancelarijom za reviziju institucija BiH i Jedinicom za internu reviziju PS BiH</i>	-po najavi revizije i u skladu sa zadatim rokovima (eksterna revizija) -prema planu Jedinice za internu reviziju	Broj preporuka i sugestija revizije u odnosu na broj u istom prethodnom periodu; Postotak realizovanih preporuka i sugestija za protekli period
	<i>Izrada godišnjeg izvještaja o finansijskom upravljanju i kontroli (GI-İK) za 2023. godinu</i>	-do 15. februara 2024. godine	Procent učešća zaposlenih u izradi ovog izvještaja; postotak realizovanih aktivnosti koje utiču na smanjenje ili izbjegavanje registrovanih rizika u poslovnim aktivnostima
Provođenje aktivnosti vezano za budžet Agencije	<i>Izrada DOB-a i nacrta Srednjoročnog plana Agencije za period 2025-2027, izrada zahtjeva za budžet 2025. godine, kao i donošenje Srednjoročnog plana Agencije</i>	-do 15.04.2024. (DOB) -do 01. 07.2024. (nacrt Srednjoročnog plana) -do roka datog u instrukciji MFT BiH (zahtjev) -do 30.09.2024. (donošenje Sred. plana)	Odnos planiranih sredstava za 2024. godinu u DOB-u i odobrenom budžetu za 2024. godinu (pokazatelj realnog planiranja)
	<i>Izrada operativnog plana za 2024. godinu, u skladu sa odobrenim budžetom</i>	-prema instrukciji MFT BiH	Postotak izvršivosti OP, tj, da li OP omogućio nesmetano i redovno odvijanje poslovnih aktivnosti i realizaciju stvorenih obaveza
	<i>Kvartalno, polugodišnje i godišnje izvještavanje o realizaciji budžeta Agencije za 2024. godinu</i>	-prema instrukciji MFT BiH	Postotak realizacije budžeta u odnosu na plan
	<i>Realizacija Plana nabavki za 2024. godinu</i>	-u skladu sa zadatim rokovima u Planu javnih nabavki	Broj realizovanih u odnosu na broj planiranih nabavki. Postotak realizacije odobrenih sredstava za realizovane nabavke.

Unapređenje transparentnosti web stranice Agencije	<i>Redovno održavanje i unapređenje komunikacije, kao i saradnja i koordinacija u radu web redakcije s ciljem kvalitetnog uređenja web stranice Agencije</i>	Kontinuirano 2024.	Uspostavljena redovna komunikacija. Blagovremena i kvalitetna razmjena informacija i dostava podataka.
	<i>Unaprijeđen nivo transparentnosti web stranice Agencije</i>	Kontinuirano 2024.	Ispunjeni dodatni Standardi proaktivne transparentnosti, dokumenta ažurirana
	<i>Otvoriti nove komunikacijske kanale uz podršku menadžmenta Agencije i unaprijediti postojeće</i>	Decembar 2024	Otvoren fb profil Agencije i unaprijeđen postojeći yoututbe kanal
Unapređenje i održavanje informacionog i komunikacionog sistema Agencije	<i>Redovno održavanje i nadogradnja radnih stanica, održavanje i ažuriranje operativnih sistema i aplikativnih programa.</i>	Kontinuirano 2023.	Radne stanice funkcionalne. Operativni sistemi i aplikativni programi blagovremeno ažurirani i nadograđeni u skladu sa hardverskim mogućnostima.
	<i>Redovno održavanje servera i mrežne opreme, održavanje i ažuriranje operativnog sistema servera i konfiguracija mrežne opreme.</i>	Kontinuirano 2023.	Server i mrežna oprema funkcionalni. Operativni sistemi ažurirani, mrežna oprema konfigurisana, podešeni servisi za aplikacije u produkciji.
	<i>Aplikativna i sistemska podrška korisnicima informacionog i komunikacionog sistema</i>	Kontinuirano 2023.	Aplikativna i sistemska podrška korisnicima pružena prema broju zahtjeva.
Postupanje po zahtjevima u skladu sa Zakonom o slobodi pristupa informacijam u BiH	<i>Redovno vođenje evidencije o broju primljenih zahtjeva, vrsti traženih informacija, broju donesenih rješenja, broju konačnih rješenja, broju zahtjeva po kojima nisu donesena rješenja i načinu postupanja organa javne vlasti.</i>	Kontinuirano 2024.	Napravljena evidencija postupanja po zahtjevima
	<i>Dostavljanje izvještaja rukovodiocu Agencije, Žalbenom vijeću i Instituciji ombudsmena za ljudska prava Bosne i Hercegovine (svaka tri mjeseca).</i>		Tromjesečni izvještaj dostavljen rukovodiocu Agencije, Žalbenom vijeću i Instituciji ombudsmena za ljudska prava Bosne i Hercegovine
	<i>Sačinjavanje godišnjeg izvještaja o radu Agencije, koje se u zakonom propisanoj proceduri upućuje Vijeću ministara Bosne i Hercegovine i Parlamentarnoj skupštini Bosne i Hercegovine, koje obavezno uključuje i evidenciju o broju primljenih zahtjeva, vrsti traženih informacija, broju</i>		Godišnji izvještaj i dostavljen u skladu Zakonom o slobodi pristupa informacijama

	donesenih rješenja, broju konačnih rješenja, broju zahtjeva po kojima nisu donesena rješenja i načinu postupanja institucije BiH.		
	Objavljivanje godišnjeg izvještaja na web stranici Agencije.		Godišnji izvještaj objavljen na web stranici Agencije



DIREKTOR

Elvis Kondžić

Istočno Sarajevo, 20. 11. 2023. godine
 Broj: 01-07-3-635-1 / 23

